

## AXUDAS Á EDUCACIÓN INFANTIL, CURSO 2021-2022

### EXPOSICIÓN DE MOTIVOS

A educación infantil, como etapa educativa que comprende a educación dos nenos e nenas dende os tres meses de idade ata os 6 anos, contribúe ao desenvolvemento psicosocial e físico das persoas, constituíndose como un espazo de socialización e afectividade fundamental no crecemento do/a neno/a e da súa autonomía.

O desenvolvemento das capacidades afectivas, a exploración do medio natural e social, o coñecemento das diferentes linguaxes e forma de expresión, o movemento e ritmo, a motricidade e a aprendizaxe relacional e de convivencia, o inicio na lecto-escritura e habilidades lóxico-matemáticas... constitúen contidos e obxectivos básicos da educación infantil. Neste senso, a escolarización dos nenos e nenas nesta etapa, non obrigatoria pero sí universalizada, é fonte fundamental do proceso de ensinanza e aprendizaxe futuro.

Para o menor de idade, resulta fundamental que se asegure o respecto completo e efectivo de todos os seus dereitos, así como o seu desenvolvemento integral, incidindo en medidas enfocadas a procurar o benestar físico, psíquico e emocional.

A escolarización dos/as menores nesta etapa infantil permite cumprir con ese obxectivo e garante que dende os primeiros meses de vida a prevención e a detección precoz de factores de risco que poidan comprometer o seu desenvolvemento integral; unha educación que asegure as súas potencialidades, cun modelo educativo inclusivo e de igualdade de oportunidades.

Neste contexto, co obxecto de axudar ás familias máis desfavorecidas economicamente a facer fronte a os gastos derivados da escolarización non obrigatoria dos seus fillos e fillas, que é a Educación Infantil pero que supón para os rapaces e rapazas un avance no seu aprendizaxe e no seu proceso de socialización, e tendo en conta que os programas de axudas para libros xa están implantados en toda a Ensinanza Primaria e Secundaria



Obrigatoria, propónse á Xunta de Goberno aprobar a convocatoria de axudas á Educación Infantil, para as súas dúas etapas (0-3 anos e 3-6 anos), dos Centros de Ensino sostidos con fondos públicos e Escolas Infantís debidamente autorizadas de Vilagarcía de Arousa, de acordo coas seguintes

**BASES DA CONVOCATORIA DE AXUDAS Á EDUCACIÓN INFANTIL PARA FAMILIAS  
CON ALUMNOS/AS MATRICULADOS/AS EN CENTROS SOSTIDOS CON FONDOS  
PÚBLICOS E ESCOLAS INFANTÍS AUTORIZADAS DE VILAGARCÍA DE AROUSA, CURSO  
2021/2022**

**Artigo 1. - OBXECTO**

O obxecto da presente convocatoria é o financiamento dos gastos que se derivan da escolarización non obrigatoria dos/as alumnos/as de Educación Infantil, nas etapas 1ª e 2ª, matriculados nos Centros de Ensino sostidos con fondos públicos e nas Escolas Infantís autorizadas de Vilagarcía de Arousa.

**Artigo 2. – BENEFICIARIOS/AS**

Poderán ser beneficiarios/as destas axudas as unidades familiares residentes no Concello de Vilagarcía de Arousa con menores matriculados/as nas etapas 1ª e 2ª de Educación Infantil, nos Centros de Ensino sostidos con fondos públicos e nas Escolas Infantís autorizadas de Vilagarcía de Arousa.

**2.1. Requisitos Xerais dos/as Beneficiarios/as:**

- Estar empadroado e ter residencia efectiva permanente no Concello de Vilagarcía de Arousa.
- Ter fillos/as en idade escolar matriculados/as en 1ª ou 2ª etapa de Educación Infantil en Centros de Ensino sostidos con fondos públicos e nas Escolas Infantís autorizadas de Vilagarcía de Arousa.
- Non supera-los ingresos económicos fixados no baremo destas bases



- Presentar toda a documentación requirida, e no prazo establecido, nestas bases.
- Convivir co menor a cargo.
- A condición de beneficiario/a poderá obterse aínda que non se cumpran os requisitos esixidos no artigo 10.2 da lei 9/2007, de 13 de xuño, de Subvencións de Galicia.

## 2.2. Requisitos Económicos dos/as beneficiarios/as:

As axudas poderán ser solicitadas polas unidades familiares nas que os ingresos non superen os seguinte límites máximos de rendas obtidas no ano 2020:

<b>Unidade familiar</b>	<b>Límite de ingresos anuais en €</b>
2 membros	13823,22
3 membros	17663,04
4 membros	20734,96
5 membros	23038,84
6 membros	24574,77
7 membros	26110,70
8 membros	27646,63

A renda familiar, para os efectos da bolsa, obterase por agregación das rendas do exercicio 2020 de cada un dos membros computables da familia que obteñan ingresos de calquera natureza. Os datos económicos para ter en conta nas rendas familiares para determinar os ingresos serán os calculados por agregación da base impositiva xeral, calculadas segundo os criterios establecidos na normativa do imposto sobre a renda das persoas físicas. No caso de non ter presentado declaración de renda, terase en conta os datos facilitados polo Servizo Público de Emprego e/ou a Tesourería Nacional da Seguridade Social.



### **2.3 Da unidade familiar.**

Para o cálculo da renda familiar, son membros computables da familia: o pai, a nai, titor ou persoa encargada da garda e protección do/a menor, se é o caso, as e os irmáns solteiro/as menores de vinte e cinco anos e que convivan no domicilio familiar a 31 de decembro do 2020 e os de maior idade, cando se trate de persoas con discapacidade física, psíquica ou sensorial.

No caso de divorcio, separación legal ou de feito dos pais, non se considerará membro computable aquel deles que non conviva coa persoa solicitante da bolsa, sen prexuízo de que na renda familiar se inclúa a súa contribución económica. Terá a consideración de membro computable, se é o caso, o/a novo/a, cónxuxe ou persoa unida por análoga relación co solicitante e as súas rendas se incluírán dentro do cómputo das familiares e terán a consideración de membros computables os/as seus/súas fillos/as menores de 25 anos que convivan no domicilio.

Desta cantidade, deduciranse os gastos derivados do alugamento ou hipoteca de vivenda habitual, ata un máximo de 250 euros mensuais, previa presentación da documentación acreditativa correspondente.

No caso de familias monoparentais, incrementarase a unidade familiar en 1 membro.

### **Artigo 3. – CONTÍA DAS AXUDAS**

O importe da axuda por cada alumno/a matriculado será de 60 €.

### **Artigo 4. – PROCEDIMENTO DE CONCESIÓN DE AXUDAS**

#### **4.1. Lugar e prazo de recollida e de presentación das solicitudes:**



As axudas serán solicitadas polos pais, nais ou titores/as do alumnado ao que fai referencia o artigo 1, dentro dos prazos establecidos para cada unha das convocatorias,

As solicitudes poderán obterse no departamento de Servizos Sociais, no de Educación, no servizo de información municipal e tamén se poderán descargar na sede electrónica do Concello de Vilagarcía: <http://sede.vilagarcia.gal/>

As solicitudes poderán ser presentadas na sede electrónica do concello: <http://sede.vilagarcia.gal/>, no Rexistro xeral municipal, ou por calquera dos medios previstos no artigo 16.4 da Lei 29/2015, do 1 de outubro, do Procedemento Administrativo Común das Administracións Públicas.

Establécense dúas convocatorias, cos seguintes prazos:

1ª convocatoria, dende o día seguinte ao da publicación destas bases no BOP ao 18 de xuño.

2ª convocatoria, do 6 ao 17 de setembro

#### **4.2. Documentación a presentar:**

Acreditación da situación socioeconómica e a xustificación do gasto coa presentación da documentación que de seguido se detalla:

- Impreso de solicitude, segundo modelo que figura como ANEXO I
- Fotocopia do DNI ou NIE da persoa solicitante.
- Relación de membros da unidade familiar (anexo II). No seu caso, copia da demanda de separación ou divorcio, acordo regulador ou resolución xudicial sobre as medidas paterno filiais.
- Se é o caso, xustificante de pago de aluguer ou de hipoteca (primeira vivenda).
- Autorización para solicitar datos tributarios en relación ao IRPF de tódolos membros computables da unidade familiar maiores de 16 anos (anexo III).
- Certificación bancaria (IBAN) do número de conta na que o/a solicitante sexa titular ou cotitular na mesma.



Se a solicitude faise na Sede Electrónica do Concello, e tendo en conta que non admite arquivos que superen na súa totalidade os 10 Mb ou non permite determinados formatos, deberase presentar:

- Un pdf que conteña un índice de toda a documentación que se achega.
- Un pdf por cada documento.

Se a solicitude non reúne os requisitos establecidos na norma da convocatoria, o órgano competente requirirá ao/á interesado/a para que a emende no prazo máximo de 10 días, contados a partir da data da notificación, indicándolle que si non o fixese se lle dará por desistida a súa solicitude e arquivarase o expediente.

O departamento Servizos Sociais ou o de Educación poderán esixir calquera outra documentación que consideren precisa para valorar a situación socioeconómica dos/as solicitantes.

#### **4.3. Criterios de Valoración**

Establécese como único criterio de baremo a contía da renda per cápita, de menor a maior e calculada segundo o establecido nestas bases.

No caso de que as solicitudes con dereito a axuda do primeiro prazo non esgoten a consignación establecida para esa convocatoria, o crédito sobrante será engadido ao financiamento da segunda convocatoria.

De igual xeito, no caso de que no crédito da segunda convocatoria se produza un sobrante logo de resolver as solicitudes presentadas dentro da mesma, ese crédito destinarase a cubrir aquelas solicitudes que, sendo informadas favorablemente na 1º convocatoria, non foron concedidas por esgotamento do crédito.

#### **4.4. Valoración das solicitudes**

Rematado o prazo da primeira convocatoria, e unha vez que o Ministerio de Facenda xa facilite o acceso aos datos da renda do ano 2020, o departamento de Educación emitirá informe-proposta á Xunta de Goberno para o pago daquelas que teñen dereito á axuda,



ordenadas por renta per cápita e ata esgotar o orzamento desta convocatoria, conforme o sinalado no punto anterior, e indicará, no seu caso, aquelas que non poden ser financiadas por falta de consignación. Tamén se incluírá a relación das que non teñen dereito a axuda, indicando a causa.

Logo de rematado o segundo prazo, o departamento de Educación emitirá outro informe-proposta á Xunta de Goberno no que indique:

- Cales solicitudes presentadas nese segundo prazo cumpren os requisitos e teñen garantido o cobro da axuda, ata o límite da aplicación ou logo da agregación do sobrante na primeira convocatoria.
- Cales outras solicitudes non cumpren os requisitos e, polo tanto, non teñen dereito a axuda.
- No caso de sobrante na segunda convocatoria, cales das presentadas na primeira convocatoria e que non puideran ser financiadas por insuficiente aplicación, poden ser agora atendidas.

#### **4.5. Resolución e notificación da concesión ou denegación das axudas**

Cumpridos os trámites para a instrución do procedemento e fiscalizadas pola Intervención municipal, as propostas de concesión ou denegación das axudas, conforme o sinalado no punto 4.4 anterior, serán sometidas á Xunta de Goberno Local, que adoptará os acordos correspondentes.

A resolución do procedemento notificarase aos/ás interesados/as de acordo co previsto no artigo 41 da LPACAP, a cuxos efectos bastará practicar a notificación no domicilio ou correo electrónico que a persoa interesada tivera sinalado ao efecto no momento de cursar a súa solicitude. En todo caso, a resolución será publicada nos taboleiros de anuncios do Concello de Vilagarcía de Arousa e na páxina web do Concello de Vilagarcía de Arousa.

A resolución estimatoria ou desestimatoria pon fin á vía administrativa. Contra ela poderá interpoñerse potestativamente recurso de reposición ante o Sr. Alcalde no prazo dun mes, a contar dende o día seguinte ao da notificación do acordo de concesión, ou directamente recurso contencioso administrativo ante o Xulgado do Contencioso Administrativo, no prazo



de dous meses, a contar dende o seguinte ao da notificación da resolución se é expresa e se non o é, o prazo será de seis meses a contar dende o día seguinte ao que se entenda producida a desestimación por acto presunto.

#### **4.6 Prazo máximo de resolución.**

O prazo máximo para resolver toda a 1ª convocatoria será o 30 de setembro de 2021. E para 2ª, o 30 de outubro.

#### **Artigo 5. – FORMA DE PAGO**

O pago da axuda concedida farase en metálico por cada fillo/a, por medio de transferencia bancaria.

#### **Artigo 6. – FINANCIACIÓN**

As obrigas económicas que se derivan da presente convocatoria imputaranse á aplicación orzamentaria 231.48003 da Concellería de Benestar Social e Igualdade, por un importe máximo de 7.500 €, e á aplicación 320.48003, da Concellería de Educación, por un importe máximo de 6.000 €, do orzamento municipal de 2021, o que da un total de 13.500 € que distribuiranse de acordo ao seguinte esquema:

1ª convocatoria- 12.150 €, sendo 6.750 € da aplicación 231.48003 e 5.400, da 320.48003

2ª convocatoria- 1.350 €, provintes 750 € da aplicación 231.48003 e 600 €, da 320.48003

A aplicación 320.48003 poderá ser incrementada en 1.500 € no caso de sobrantes noutros programas financiados ao seu cargo (Plan Madruga 2021) conforme ao disposto no artigo 30 do Decreto 11/2009, polo que se aproba o Regulamento da Ley 9/2007 de Subvencións de Galicia, previo informe do Departamento de Educación.





## **DISPOSICIÓN ADICIONAL PRIMEIRA**

Para todo o non disposto nestas bases estarase ao disposto na Lei 9/2007, de subvencións de Galicia.

## **ANEXOS**

O contido destas bases e os anexos expóranse na páxina web do Concello de Vilagarcía de Arousa: [www.vilagarcia.es](http://www.vilagarcia.es) e na sede electrónica <http://sede.vilagarcia.gal/>

Vilagarcía de Arousa, 11 de maio de 2021.

O ALCALDE-PRESIDENTE

Alberto Varela Paz



## ANEXO I

### SOLICITUDE DE AXUDA Á ESCOLARIZACIÓN - CURSO 2021/22

#### DATOS DO/A SOLICITANTE (Pai / nai/ titor)

Nome e apelidos				NIF / NIE	
Rúa	Número	Piso	Porta	Teléfono	
Municipio				Código postal	
Correo electrónico					

#### DATOS DO/A ALUMNO/A

Nome e apelidos			Data de nacemento	
Estudos de Educación Infantil para os que solicita axuda				
Nivel/curso	Centro no que está matriculado			

#### DOCUMENTACIÓN QUE ACHEGA

- Fotocopia do NIF ou NIE da persoa solicitante.
- Anexo II. Relación de membros da unidade familiar. No seu caso, copia da demanda de separación ou divorcio, acordo regulador ou resolución xudicial sobre as medidas paterno filiais.
- Anexo III. Autorización para poder solicitar datos tributarios á Axencia Tributaria relativos ao nivel de renda (IRPF)
- Xustificante do pago do aluguer ou de hipoteca da vivenda habitual.
- Certificación bancaria do número de conta (IBAN) na que o/a solicitante sexa titular ou cotitular.
- No caso de familia monoparental, fotocopia do libro de familia completo.

Vilagarcía de Arousa, a      de      de 2021

Sinatura do/a solicitante

*Autorizo expresamente a comprobación, consulta e obtención telemática de datos elaborados por calquera Administración Pública según o disposto na Lei 39/2015 de 1 de outubro.*

*Os datos persoais que constan na instancia serán incorporados ao Rexistro de actividades de tratamento do Concello de Vilagarcía de Arousa para o exercicio de potestades públicas e de uso histórico, estatístico e científico. Ten dereito a acceder, rectificar e suprimir os datos, ou calquera outro dereito recoñecido no Regulamento Xeral de Protección de Datos e a Lei Orgánica 3/2018 ante o Concello de Vilagarcía de Arousa, en "sede.vilagarcia.gal" ou [dpd@vilagarcia.gal](mailto:dpd@vilagarcia.gal).*

**Sr. Alcalde-Presidente do Concello de Vilagarcía de Arousa**

## ANEXO II

### SOLICITUDE DE AXUDA Á ESCOLARIZACIÓN, CURSO 2021-22

#### MEMBROS DA UNIDADE DE FAMILIAR DO NENO/A

(segundo o sinalado no artigo 2.3 destas bases)

NOME E APELIDOS	NIF / NIE	DATA DE NACEMENTO	PARENTESCO CO/A NENO/A

Os datos expostos serán obxecto de consulta ás administracións públicas. No caso de que o/a solicitante se opoña a esa comprobación, deberá indicalo no cadro correspondente e achegar os documentos que procedan.

Opóñome á consulta

Sinatura do/a solicitante

Vilagarcía de Arousa, a \_\_\_\_\_ de \_\_\_\_\_ de 2021

### ANEXO III

#### AUTORIZACIÓN PARA PODER SOLICITAR DATOS TRIBUTARIOS Á AXENCIA TRIBUTARIA RELATIVOS AO NIVEL DE RENDA (IRPF)

A/s persoas abaixo asinantes autoriza/n ao Departamento de Educación a solicitar da Axencia Estatal de Administración Tributaria, información de natureza tributaria sobre o IRPF para comprobar o cumprimento dos requisitos establecidos para solicitar a **AXUDA Á ESCOLARIZACIÓN CURSO 2021/2022**, sendo beneficiaria ou posible beneficiaria a persoa que figura no apartado A da presente autorización.

A presente autorización outórgase aos efectos do **recoñecemento, seguimento e control** da axuda mencionada anteriormente, e en aplicación do artigo 95.1 K) da *Lei 58/2003, Xeral Tributaria* pola que se permite, previa autorización da persoa interesada, a cesión dos datos tributarios que precisen as Administracións Públicas para o desenvolvemento das súas funcións.

**INFORMACIÓN TRIBUTARIA AUTORIZADA: DATOS QUE POSEA A AXENCIA TRIBUTARIA DO IMPOSTO SOBRE A RENDA DAS PERSONAS FÍSICAS DO EXERCIZO 2020.**

#### A.- DATOS DO/A SOLICITANTE DA AXUDA DETALLADA QUE OUTORGA A AUTORIZACIÓN

NOME E APELIDOS	NIF / NIE	SINATURA

#### B.- DATOS DOS RESTANTES MEMBROS DA UNIDADE FAMILIAR DO/A ALUMNO/A

(unicamente maiores de 16 anos)

PARENTESCO CO/A NENO/A	NOME E APELIDOS	NIF /NIE	SINATURA

Vilagarcía de Arousa, a                      de                      de 2021

Nota: a autorización concedida pola persoa asinante pode ser revocada en calquera momento mediante escrito dirixido ao Concello de Vilagarcía de Arousa.